

मार्निंग डोगरी न्यूज़ बुलेटिन, समें. 09.20 Hrs

<><><><><><>

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै श्रुति खजूरिया।

Headlines

1. संविधान गी अपनाए जाने दी 75मीं बरे गंड दे सरबंधै च कल कार्यक्रम आयोजित कीते गए ते इक दिनै दे वक्फे परैंत संसद दी बैठक अज्जै थमां फही लग्गोग।
 2. जम्मू-कश्मीर सरकारै ऑनलाइन आर.टी.आई पोर्टल शुरू करने दा ऐलान कीता ऐ जेहड़ा मेद ऐ जे औंदी 10 दिसंबर शा पूरी चाल्ली चालू होई जाहग।
 3. एल.जी मनोज सिन्हा होरें आखेआ ऐ जे ओह जम्मू-कश्मीर च बने दे 'Made in J&K' उत्पादें गी दुनिया भरै च हर घरै दा हिस्सा बनदा दिखना चाहंदे न।
 4. प्रधानमंत्री नरेंद्र मोदी होरें आखेआ ऐ जे आतंकवाद गी बनकदा जोआब दिता जाहग। उनें मुम्बई आतंकवादी हमले च मारे गेदे लोकें गी श्रद्धांजलि अर्पित कीती।
 5. पुलसै जम्मू संभाग च 56 थाहें पर छापे मारियै आतंकवादिएं दे मददगार केई ओवर ग्राउंड वर्करें ते संदिग्धें गी गिरफ्तार कीता ते थेआर असलाह ते दस्तावेज बरामद कीते।
- हुन खबरें दी तफसील कन्नै विजय बजाज।
-

Parliament

संविधान गी अपनाए जाने दी 75मीं बरे गंड दे सरबंधै च कल 26 नवंबर गी इक दिनै दे वक्फे परैंत संसद दी बैठक अज्जै थमां फही लग्गोग। एहदे शा पैहले 25 नवंबर गी संसद दे स्याले आहले इजलास दे पैहले ध्याड़े संसद दे साबका सुरगवासी सदस्यें गी श्रद्धांजलि अर्पित कीती गई। बरोधी धड़ें आसेआ बक्ख-बक्ख मामलें पर चर्चा दी मंग गी लेइयें हंगामा कीते जाने पर स्पीकर ओम बिरला होरें दपैहरी 12 बजे तगर सदन गी स्थगित करी दिता। एहदे शा पैहले संसद

दी इक सांझी बैठक बी लग्गी। संसद दा स्यालें आहला इजलास 20 दिसंबर गी सम्पन्न होग। 25एं दिनें दे इस इजलास दौरान कुल 16 बिल सदन च पेश कीते जाने न।

<><><><><><>

JK-RTI

जम्मू-कश्मीर सरकारै सूचना दे अधिकार यानि आर.टी.आई आहला इक ऑनलाइन पोर्टल शुरू करने दा ऐलान कीता ऐ जिसी एन.आई.सी आसेआ विकसित कीता जा'रदा ऐ। आकाशवाणी दे जम्मू संवाददाता दी रिपोर्ट मूजब rtionline.jk.gov.in आहले इस नमें मंच कन्नै प्रदेश च आर.टी.आई दी प्रक्रिया मती चुस्त-दुरुस्त बनोग। एहदे राहें लोक ऑनलाइन आर.टी.आई दी अर्जी देई सकने दे कन्नो-कन्नी औहदे पर होई दी कार्रवाई ते औहदी ताजा स्थिति बी दिक्खी सकडन। पारदर्शिता ते जोआबदेही बधाने आहली एह पैहलकदमी मेद ऐ जे औंदी 10 दिसंबर शा पूरी चाल्ली शुरू होई जाग। एहदे बवस्थित अमल-आवरी लेई नोडल अफसर नियुक्त कीते गेदे न जेड़े एल.पी. LPIO ते First Appellate Authority आहले अफसरें गी औंदी 29 नवंबर तगर एहदे नै जोड़ने दी प्रक्रिया दी दिक्खसुन करंगन। इस गैह कन्नै आर.टी.आई आवेदन पर सखल्ले कार्रवाई यकीनी बनोग ते लोकें गी सरकार दफतरें दे चक्कर नैई कट्टने पौडन।

<><><><><><>

LG-Handicraft

लेफ्टिनेंट गवर्नर मनोज सिन्हा होरें आखेआ ऐ जे जम्मू-कश्मीर दे दस्तकारी ते हथखड्डी उत्पादें दा कोई जोड़ नैई ऐ ते ओह इनें उत्पादें गी दुनिया भरै च परोआरें दा इक अहम हिस्सा बनाना चाहंदे न। कल श्रीनगर च वर्ल्ड क्राफ्ट काउंसिल दी 60मीं बरे गंड आले समारोह दौरान भाशण दिंदे होई श्री सिन्हा होरें आखेआ जे ओह जम्मू-कश्मीर च बने दे 'Made in Jammu Kashmir' उत्पादें गी दुनिया भरै च मशहूर हुंदा दिक्खना चाहंदे न। उनें आखेआ जे पिछले 50एं म्हीनें दौरान उंदे प्रशासन नै प्रदेश दे कारीगरें ते उंदे उत्पादें गी आलमी सतह पर पंछान दोआने आस्तै बड़ी संजीदगी नै जत्न कीते न ते World Crafts Council दे कार्यक्रम दा आयोजन श्रीनगर च कीता जाना इस्सै दिशा च पुट्टी गेदी इक गैह ऐ। सिन्हा होरें प्रदेश च रोजगार दे मौके पैदा करने ते हथखड्डी ते दस्तकारी उत्पादें दे निर्यात गी बढ़ावा देने पर ध्यान केंद्रित करने दे सरकार दे धेइये गी फ्ही पक्का कीता। इस मौके पर उनें भलेआं हेठली सतह पर सब्बन कारीगरें दी भागीदारी दा

आह्वान कीता तां जे जम्मू-कश्मीर की आत्मनिर्भर बनाया जाई सकै। एल.जी होरें कारीगरें की सरकार दी तरफा हर मुमकन सहयोग दा यकीन बी दोआया।

<><><><><><>

Dr. Jatinder Singh

विज्ञान ते टेक्नोलॉजी सरबन्धी मंत्री डॉ. जतिंद्र सिंह होरें नमीं दिल्ली च राष्ट्रीय क्वांटम मिशन तैहत केई सारे Quantum Start Ups दी घोषणा कीती। इस मौके पर बोलदे होई उनें आखेआ जे एह स्टार्ट अप संचार कम्प्यूटिंग, रेसिंग ते मैटीरियल जनेई क्वांटम तकनीकें दे सारे प्रमुख क्षेत्रें दा नेतृत्व करंगन। उनें दस्सेआ जे चुने गेदे स्टार्ट अप विकसित भारत 2047 दे अगुवाह बनंगन। उनें गलाया जे भारत क्वांटम मिशन की लागू करने आहले दुनिया दे गिने चुने दे मुल्खें चा इक ऐ। नीति आयोग दे सदस्य वी.के सारस्वत होरें बी सब्बनें सरबन्धत धई की स्टार्ट अप की बढ़ावा देने ते भविष्य दे क्वांटम मिशन की समर्थन देने दा आग्रह कीता।

<><><><><><>

PBPB-Kisthwar

संगठित बाल विकास सेवाएं सरबन्धी मैहकमें नै किश्तवाड़ जिले च 'पोषण बी पढ़ाई बी नांs दे जत्न तैहत आंगनवाड़ी वर्करें लेई व्यापक सिखलाई प्रोग्राम शुरू कीता ऐ। इस प्रोग्राम दा मकसद बचपन सरबन्धी दिक्खभाल ते शिक्षा बारे जानकारी बढ़ाना ऐ। डिप्टी कमिशनर राजेश कुमार शवन होर इस मौके पर मुख्य परौहने दे तौर पर मौजूद हे। अपने संबोधन च डिप्टी कमिशनर होरें आंगनवाड़ी वर्करें दी बच्चें दे पूरे पराते विकास च महत्वै आहली भूमिका पर लौs पाई। उनें आखेआ जे एह जिले च महिलाएं की सशक्त बनाने च अगुररररआ भूमिका निभरांदे नर। कार्यक्रम की शुरुआत राश्ट्रगान कन्ने होई ते फही संविधान की प्रस्तावना बी पढ़ी गई।

<><><><><><>

ते हुन बाकी दिए खबरें कन्ने श्रुति खजूरिया।

PM-National Security

प्रधानमंत्री नरेंद्र मोदी होरें मुख्य दी सुरक्षा की चुनौती देने आहले कुसै बी आतंकवादी संगठन की मुंहतोड़ जवाब देने दे भारत दे संकल्प पर जोर पाया। कल8 संझा सुप्रीम कोर्ट च संविधान दिवस समारोह कार्यक्रम की संबोधित करदे होई

प्रधानमंत्री होरें इयां आखेआ। मोदी होरें आखेआ जे भारत अज्ज जिसले लोकतंत्र दे इस महत्वपूर्ण पर्व गी मनारदा ऐ, उस्सै दिन मुम्बई च होए दे आतंकवादी हमले दी बरसी बी ऐ। उनें इस हमले च जान गोआने आहलें गी श्रद्धांजलि दिती। प्रधानमंत्री होरें आखेआ जे संविधान मुख्यै दी हर आस-तांग ते जरूरत पर खरा उतरेआ ऐ ते नागरिकें आस्तै मार्गदर्शक दा कम्म करदा ऐ। उनें आखेआ जे पिछले 75 बरें च जिसले बी चुनौतियां सामने आइयां न, संविधान नै उंदे हल आस्तै सेई रस्ता दस्सेआ ऐ। प्रधानमंत्री होरें आखेआ जे पैहली बारी जम्मू-कश्मीर च संविधान दिवस मनाया गेआ। उनें आखेआ जे मुख्य बदलाव दे इक महत्वपूर्ण दौर थां लंघा रदा ऐ ते भारत दा संविधान असेंगी अगगे बढने लेई रस्ता दस्सने दा कम्म करा रदा ऐ।

<><><><><><>

Police-Crackdown

पुलसै जैश-ए-मोहम्मद ते लश्करे-तैयबा जनेय आतंकवादी गुटें खलाफ बड्डी कार्रवाई करदे होई जम्मू संभाग दे राजौरी, पुंछ, किश्तवाड़ ते उधमपुर जिलें च 56 थाहें पर छापे मारे न। इस बड्डी कार्रवाई दे चलदे आतंकवादिएं लेई कम्म करने आले कई ओवर ग्राउंड वर्करें ते संदिग्धें गी गिरफ्तार कीता गेआ। एहदे अलावा केई सारे इलेक्ट्रानिक उपकरण, दस्तावेज, नगदी, थेआर ते असलाह बी बरामद कीता गेआ। पुलसै दे जम्मू जोन दे ए.डी.जी.पी आनंद जैन होरें आखेआ ऐ जे छापेमारी दरान बरामद कीते गेदे समेयान ते जानकारीएं दी बिनाह उप्पर जांच अगगे बी जारी रक्खी जाग। जैन होरें लोकें गी गुजारश कीती जे ओह अपने इलाकें च कुसै बी संदिग्ध नक्लो-हरकत दे बारें च जानकारी सुरक्षाबलें कन्नै सांझी करन ते आतंकवाद खलाफ सांझे जत्नें गी होर बल देन। उनें जोर देइयै आखेआ जे पुलस आतंकवादी ढांचें गी तबाह करने लेई अगगे बी इस किस्मै दे अभियान चलांदी रौहग।

<><><><><><>

Sports-Minister

युवा सेवा ते खेड्ढ सरबन्धी मंत्री सतीश शर्मा होरें युवाएं थां अपील कीती ऐ जे ओह नशे थां दूर रौहन। उनें आखेआ जे जेकर नशीले पदार्थ सरबन्धी कोई बी मामला सामने औंदा ऐ तां उनेंगी दस्सेआ जा। एह गल्ल उनें नेहरू युवा केंद्र संगठन आसेआ संविधान दिवस सरबन्धी पैदल यात्रा गी शुरू करोआने दौरान आक्खी। मंत्री होरें इस मौके पर बी.आर अम्बेडकर

होरें गी श्रद्धांजलि बी भेंट कीती। बी.आर अम्बेडकर होर संविधान गी प्यार करने सरबन्धी कमेटी दे अध्यक्ष हे। उनें इस मौके पर संविधान दी प्रस्तावना बी पढ़ी।

<><><><><><>

MET-Jammu

मौसम विभाग नै इस म्हीने दे अखीरै च 3 दिनें दौरान बरखा ते बर्फबारी होने दी पेशगोई कीती ऐ। आकाशवाणी जम्मू संवाददाता दी रिपोर्ट मूजब मौसम 29 नवंबर तगर खुश्क रौहग ते 30 नवंबर संझा मगरा उच्चियें धारें ते किश थाहरें पर हल्की बरखा ते बर्फबारी होई सकदी ऐ। पैहली ते 2 दिसंबर गी बी हल्की बरखा ते बर्फबारी होई सकदी ऐ। औहदे मगरा 6 दिसंबर तगर मौसम खुश्क रौहग। कश्मीर घाटी च ठंडू दा प्रकोप जारी ऐ। श्रीनगर ते कोकरनाग च तापमान जमाई देने आहला ऐ। गुलमर्ग ते पहलगाम सब्बनैं थ्वां मती ठंडी थाह रेय।

<><><><><><>

DIR-Agri

राई-बाई सरबन्धी जम्मू निदेशक अरविंद्र सिंह रीन होरें केंद्र प्रायोजित स्कीमें तैहत बक्ख-बक्ख स्कीमें दी माली ते ठोस प्रगति दा जायजा लैता। उनें फंड्स दे सेई ते समेंसिर इस्तेमाल पर जोर पाया। उनें इस सरबन्धी च सारे दस्तावेज बनाने लेई बी गलाया। उनें राईबाई मैहकमे ते एहदे कन्ने जुड़े दे होरनें विभागें बश्कार तालमेल पर जोर पाया तां जे कम्म समेंसिर पूरे होई सकन।

<><><><><><>

Panchayat-electoral

पंचैती मतदाता सूत्रिएं दी नजरसानी बारै आम लोकें च जागरूकता पैदा करने दे मकसद कन्ने किशतवाड़ दे जिला पंचैत चुनां अधिकारी राजेश कुमार शवन होरें इक जागरूकता गड्डी गी झंडी दस्सिए रवाना कीता। मतदाता सूचिएं लेई पैहली जनवरी 2025 दी तरीक क्वालीफाइंग तरीक रक्खी गई ऐ। इस जागरूकता गड्डी गी स्वीप तैहत रवाना कीता गेआ। एहदा मकसद मतदाताएं गी जागरूक करना, मतदान लेई पंजीकरण दे महत्व गी उजागर करना ऐ। एहदे लेई केई सारे बैनर लाए गए न ते जानकारी आहले स्नेह बी सनाए जा रदे न। हर योग्य मतदाता दी शमूलियत गी चुनां प्रक्रिया च यकीनी बनाना ते मतदाताएं गी सूचना ते जानकारीएं राएं सशक्त बनाना इस जत्न दा मकसद ऐ। जिला पंचैत चुनां

अधिकारी होरें स्वीप दी भूमिका गी उजागर कीता। एह जागरूकता गड्डी जिले दी सारी प्रमुख थाहें पर जाग ते लोकें गी जागरूक करोग।

